

崇禎五十宰相傳

欽定四庫全書存目提要

史部傳記類

崇禎五十年相傳一卷

浙江巡撫
採進本

國朝曹溶撰溶字潔躬號秋嶽秀水人前明崇禎丁丑進士
官監察御史入

國朝官至戶部侍郎出為廣東布政使左遷山西陽和道此

傳皆崇禎時入閣諸臣事蹟凡六篇前有年表一篇明

代自胡惟庸以後不立丞相然自後入閣辦事者亦相

沿以相國呼之此書題曰宰相從俗稱也崇禎十六年間

輔臣至五十人而所錄事實皆取賢否懸殊關係治亂

其行事皆見於明史說者謂其輕進易退不收費用

沈篇末總論獨謂其私心朋比明戶相承邪正雖殊植

黨則一斯誠探本之說傳雖分列五十人三大者其成其

命以下十四人但叙官闕黃立極以下四人亦極簡畧盡以為
無闕勸戒不足書也溶門人陶越乃取陳盟所作崇禎內
閣行日各補之非沈意矣此書橋李詩系作崇禎五十
輔臣傳五卷其實為傳六卷篇加以年表一篇非五卷也
所載行事與明史詳畧相參亦可互資考證焉

同治壬申五月八日丁學使紹周科試杭州府屬童生出圖之日
適閱是書檢錄提要心有所繫遂筆輒有行誼
同日閱古藏書家史巨擘宏光實錄首列宏光大臣月表並
可嘆矣曰固敬人識

崇禎五十宰相傳

倦圃老人重訂

宰相年表序

人臣至宰相。極矣。君道之盛衰。由於相業之隆替。史記以
來。班、可考也。雖其間世代不同。氣數亦異。要不得曰下
不能獲乎上人。不能勝乎天。為相臣者。亦將如之何哉。若
乃君擇臣。亦擇君。此區、庶幾之末。非所語于相臣也。
以十七年之帝祚。而相者至五十人。此五十人者。不可謂
非天地之貽。以損軀祖宗之滋。以培養也。歷三百載以來。

拔之乎千萬人之上而富貴利達功烈遐著無以易其
之勤求即無以厭海內之想望遂使感時傷事者痛心疾
首無所用其責備不得已咨嗟歎息徒歸咎於人主以為
求治太急輕于用人始則失之不明繼且失之不慎破格
而終于痛推誠而伏以奸用舍進退之間幾一乎惟日之
不足迨煬竈燎原之後國破家亡同歸于盡若不任受過
臣亦不任受罪是非不章本末固究悠一千古誰寔辨之
嗟乎朕非亡國之君諸臣皆亡國之臣帝不專為相臣言
也而以言相臣豈有辭焉爰自即位之初迄於殉難之日

凡條頤問。歷駁問者。一。考載之。今後之人。君。肯。以。觀。覽。
云爾。

宰相年表

天啟七年丁卯是為即位之歲以明年改元

十一月左柱國少傅吏部尚書中樞殿大學士黃立極
馳驛回里。十二月以太子太保禮部尚書朱宗道。吏
部左侍郎楊景辰。入閣辦事。起陞禮部侍郎李標。周
道登。吏部侍郎錢龍錫。諭德劉鳴訓。俱為禮部尚書。兼
東閣大學士。

崇禎元年戊辰

三月加少師兼太子太師吏部尚書中樞殿大學士施

鳳來為太傅張瑞圖為太保俱馳驛回里起復左柱
國少師兼太子太師吏部尚書中樞殿大學士韓爌
五月少師兼太子太師吏部尚書中樞殿大學士李國
播馳驛回里六月表宗道揚景辰馳驛回里加李
標周道登錢龍錫劉鴻訓太子太保進文淵閣十二月
劉鴻訓革職韓爌入朝

二年己巳

正月周道登致仕黃立極被察施鳳來揚景辰
閏十月陞吏部侍郎成基命
住張瑞圖表宗道議處

為禮部尚書兼東閣大學士。錢龍錫回里。十一月起復少師兼太子太師兵部尚書文華殿大學士孫承宗督師出鎮通州。十二月以禮部尚書何如罷。錢象坤侍郎周延儒入閣辦事。

三年庚午

加成基命太子太保進文淵閣。韓爌李標回里。錢龍錫削籍。加孫承宗太傅回里。加何如罷。錢象坤周延儒太子太保進文淵閣。六月以詹事府禮部尚書溫體仁吳宗達入閣辦事。七月加溫體仁吳宗達。

太子太保進文淵閣。九月成基命回里。十一月加
何如寵周延儒少保進武英殿。

四年辛未

何如罷錢象坤回里。李國楮卒。

五年壬申

加協理尚書鄭以偉太子少保入閣辦事。禮部尚書
徐光啟進東閣大學士。加周延儒少保吏部尚書進
建極殿。溫體仁吳宗達少保改戶部尚書進武英殿。
周道登卒。

六年癸酉

周延儒馳驛回里。鄭以偉卒。加溫體仁少保。吏部尚書進建極殿。吳宗達吏部尚書進建極殿。徐光啟太子太保。進文淵閣。召何如罷不至。陸禮部侍郎王應熊。何吾驄為尚書。黃東閣大學士。召南京禮部侍郎錢士升入閣辦事。

七年甲戌

加溫體仁吳宗達少師。進中極殿。王應熊何吾驄錢士升太子太保。進文淵閣。

八年乙亥

王應熊馳驛回里。七月陞少詹事文震孟改刑部左
侍郎。張至發為禮部左侍郎入閣辦事。十一月何吾
駒文震孟回里。吳宗達回里。

九年丙子

錢士升馳驛回里。欽取禮部尚書孔貞運黃士俊賀
逢聖禮部左侍郎林鈺入閣辦事。陞張至發禮部尚
書。五月林鈺卒。十一月加孔貞運黃士俊賀逢聖
太子太保進文淵閣。吳宗達文震孟卒。

十年丁丑。

六月温體仁馳驛回里。黃士俊回里。八月陞吏部

侍郎劉宇亮詹事傅冠為禮部尚書右僉都御史薛國
觀為禮部侍郎同入東閣辦事

十一年戊寅

張至發賀達聖回里。孔貞運回里。陞薛國觀為禮

部尚書。改戶部尚書程國祥兵部尚書楊嗣昌升協

理侍郎方達年工部侍郎蔡國用俱為禮部尚書兼東

閣大學士。陞大理寺少卿范復粹為禮部侍郎入閣

辦事。劉宇亮傳冠進文淵閣。溫體仁卒。改劉宇亮為兵部尚書。賜尚方劍。督察各鎮兵馬。傅冠方達年回里。

十二年己卯

程國祥回里。加薛國觀蔡國用范復粹太子太保戶部尚書。進文淵閣。劉宇亮回里。八月揚嗣昌賜尚方劍。督師。欽進禮部右侍郎。姚明恭協理侍郎。張四知戎政侍郎。魏炤乘俱為禮部尚書。黃東閣大學士。程國祥卒。加薛國觀蔡國用范復粹少保吏部尚書。

進武英殿。加姚明恭太子太保。戶部尚書。進文淵閣。
張四知太子太保。戶部尚書。魏焄兼太子太保。

十三年庚辰

蔡國用卒。姚明恭回里。欽進太子少保。吏部尚書。
謝陞禮部左侍郎。陳演兼東閣大學士。加楊嗣昌太子太保。加謝陞少傅。進建極殿。薛國觀閑住。

十四年辛巳

范復粹回里。楊嗣昌卒於任。四月召周延儒。張至
發賀達聖。八月薛國觀賜死。何如寵卒。十月周

延儒賀逢聖入朝。張至發不至。加周延儒少師。黃太子太師。進中樞殿。張四知少傅。吏部尚書。進武英殿。魏焯乘太子少傅。戶部尚書。陳演禮部尚書。俱進文淵閣。

十五年壬午

正月召周延儒賀逢聖謝陞入殿。上降拜。四月謝陞削籍。命周延儒視師。累加太師。賀逢聖張四知魏焯乘馳驛回里。陞陳演戶部尚書。進武英殿。六月以禮部侍郎蔣德璟。詹事黃景昉。戎政尚書吳姓為禮部尚書。黃東閣大學士。十一月召王應熊入朝。賜金幣還。

十六年癸未

加陳演蔣德璟黃景昉太子少保。五月以侍讀魏藻

德入閣辦事。周延儒回里。六月陞魏藻德禮部侍

郎。八月徵周延儒聽勘。九月欽進少詹事李建泰

為禮部尚書左副都御史。方岳貢為禮部右侍郎入閣

辦事。十二月周延儒賜死。吳姓遣戍。

十七年甲申

正月以禮部尚書丘瑜工部尚書范景文入閣辦事。

改李建泰為兵部尚書加太子少保督師。二月蔣德

璟致仕。進魏藻德禮部尚書文淵閣總督河道水練。

方岳貢戶部尚書。兼兵部尚書。文淵閣總督漕運屯練。
三月許陳演乞休。李建泰被執。京師陷。范景文
死之。陳演親藻德方岳貢丘瑜皆以擄掠死。

論曰。甚哉遇合之難也。古有其人而無其時者矣。若之
何有其時而非其人乎。倘所謂遇合。抑亦僥倖耳。非若薦
天受錄。夢卜載車而求也者。願以莫之致而委之也哉。余
昔從諸君子時。先後出處。知之甚詳。竊嘆諸臣類皆一時
大有為之才。視庸流萬輩。相去甚遠。而旋登政地。不免持

祿。固。瓶。無。能。為。主。上。畫。一。籌。以。至。人。事。盡。乖。天。意。莫。挽。或
及。身。而。墮。或。旋。踵。而。敗。功。名。喪。失。家。國。淪。亡。至。今。回。憶。往
事。宛。如。白。首。宮。人。細。數。開。元。天。寶。間。遺。事。不。僅。為。君。臣。傷
遇。合。也。豈。不。惜。哉。

宰相列傳序

余既序相臣年表。年表之義。紀時不紀事也。雖出處之次第。固詳而進退之始末。未顯。恐無以槩生平。以示後世。于是考之國史。參之見聞。畧舉其大端。著為列傳。分為六則。而系之以臆斷焉。

宰相列傳一

韓文錢龍錫

孫承宗劉鴻訓

李標何如龍

周道登錢士升

韓爌。蒲州籍。泰州人。

賀逢聖

范景文

壬辰進士。以庶吉士官禮部侍郎。康

申陞尚書。入東閣。知經筵。累進左柱國少師。兼太子太師。

孤介。靛直。清修。無欲。當紅丸議起。禮部尚書孫慎行。以色

藏禍心。叅舊輔方從哲。爌以耳目聞見。深明其不然。既秉

正。以嫉邪。又不為黨。同伐異。時論遽之。甲子六月。副都御

史楊建。叅魏忠賢二十四大罪。朝臣羣起攻擊。忠賢懼。懇

爌曰。非公不能輯衆。幸留意。爌曰。我不能也。孽自爾作。爾

自解之忠賢怒既得志謀逐熿假以票擬不當降諭切責
熿疏引咎求斥畧曰臣以謗劣僚員中書詰戎宜先營衛
而觀兵肘腋無能行宵旰之憂忠直尚摺召還而榜掠朝
堂無能回雷霆之怒以至後先多官之斥諭旨中出之變
在聖世祇肅紀綱乃中外懼興黨禍而臣既不能先時深
念有調劑之方又不能臨事挺持為封還之懇此皆罪狀
之大且重者請亟褫臣官仍治臣罪為輔弼弱職之戒疏
入忠賢益惡之遂傳上旨曰卿親承顧命當矢公盡職乃
歸罪于上退有後言今復悻求去著馳驛回籍時瑞逆

顏著。煥獨持開。可謂先幾之哲。李魯生復叅論之。謂三年
莫展一籌。坐削奪。且捕及家奴。追職究擬。幾罹大禍。崇禎
改元。欽召復相。正人多所倚重。表崇煥東江一案。錢龍錫
罷煥以閣務既同。分宜引罪。連章乞休。大用未竟。天下惜
之。

孫承宗。高陽人。甲辰榜眼。官少宗伯。以談兵拜輔府。兼閩
學。累加少師。乙丑。揚維垣疏糾抑河之役。蘇兆先劾勸之。
皆瑄意也。遂回籍。己巳。起家督師。鎮通州。庚午。加太傅。
李標。高邑人。錢龍錫。華亭人。俱丁未進士。周道登。吳江人。

戊戌進士劉鴻訓長山人癸丑進士皆以館選游歷翰林
天啟中同造瑞銅丁卯即位之初以人望起田間同陞禮
部尚書兼東閣大學士屢奉旨對向用頗殷戊辰冬御史
吳玉奏初樞臣王在晉因及張慶臻改勅事以主使中鴻
訓上諭標等曰卿如何不奏祖宗有法朕不敢私也標等
再三申辯以因體為重且曰臣等四人事同一體若鴻訓
有罪臣等亦皆有罪於是鴻訓草職而道登得請既而欽
定送案告成黨人訐龍錫至其事標贊成之借言東江失
事龍錫宜授計袁崇煥又嘗薦之甚力故崇煥處以極刑

而龍錫鶴秩更遣戍標亦去位

何如罷相城人乙未舉進士未廷試戊戌選入中秘旋歸養登籍後強半林下戊辰官禮部尚書台對稱旨因大拜周延儒當國權勢日盛如罷以座主門生引退回里迨延儒放歸上念如罷清慎復召入閣辭不出天下高之

錢士升嘉善人丙辰狀元以南京禮部侍郎召入閣蓋異數也丙子四月武生李璉請搜括巨室助餉士升擬下之法司上不聽士升上言比者借端倖進實繁有徒而璉乃倡為借紳豪右輸官籍浸之法此衰世亂政而敢陳于聖

人之前。小人無忌憚。至此且所惠於富者。兼併小民耳。郡
邑之有富家。亦貧民衣食之源也。以兵荒之故。歸罪富家。
而籍沒之。此秦始皇所不行於巴。清漢武帝所不行于卜
式者也。此議一倡。而亡命無賴之徒。相率而與富家為難。
大亂自此始矣。時溫體仁以上欲通言路。竟改擬。仍切責
士升以密劾大臣。即欲要舉。已足致之。毋庸汲。又經歷
吳化鯤。許奏士升弟士晉體仁亦擬嚴旨。士升遂乞罷。許
之士升性。和易與物。不忤而嚴正之氣。自在。故璫釵灼天
之日。家食數年。及登政府。又恬淡。不久于位。

文震孟長州人。壬戌狀元。清標絕世。有先祖徵仲之風。為孝廉三十年。名聞海內。固已物望咸歸矣。及第後。首疏斥璫。畿中老法。輔臣韓爌力救之。僅落職。尋以璫修前隙。廢黜偏氓。隱居吳下。戊辰環名累官。少詹。乙亥七月。以進講春秋稱旨。特簡入閣。一時士大夫相慶得人。然非溫體仁意也。會給事許譽卿補南太常。吏部尚書謝陞難之。遂疏糾譽卿。震孟擬旨。止奪譽卿俸。體仁不肯。震孟作色擲筆曰。即削籍無害。體仁夕揭上。而震孟朝罷。何吾驕嘆息于閣中。亦同去國。論者謂朝陽之端。一鳴驚人。鷓鴣為之。

托其吭可慨也夫

張至發。淄川人。辛丑進士。由知縣官刑部侍郎。己亥。誠獄得上意。改禮部。辦事東閣。戊寅。回里。辛巳。同周延儒。賀逢聖。復召。辭不出。至發性平恕。中立不倚。終其身不樹黨。人亦相與安之。東山不起。時為之。亦志為之也。

賀逢聖。江夏人。丙辰榜眼。為人情介。不競進。以資叔官禮部尚書。丙子。欽取入閣。戊寅。回里。辛巳。復召入朝。同周延儒。謝陞。蒙上降拜。逢聖感南北之倥傯。無以報稱君父。又與延儒不合。以病告歸。未久。賊陷武昌。逢聖死之。

范景文。吳橋人。癸丑進士。清貞端亮。內行醇脩。自其束髮時。便以天下為己任。筮仕東昌司李。平刑敬獄。多所平反。山東嘗大饑。景文條行荒政。全活億萬人。徵入為吏部。獎恬抑競。海內翕然稱之。乙丑典選。疏請清仕路。養士氣。以勸廉耻。杜請託。奸人耽側目之。時相魏廣微。以鄉曲多方招致。將芟除異己者。景文侃爭執。義不為狗。李魯生薦同邑兒女親。王建泰。同年張九賢。魏忠賢許以部屬起用。景文謂二臣一以不謹。一以貪察。慮力持職掌。不肯下停之。汪慶百例擢副使。瑞下部以吏糾起。又有添註少卿。

之旨。景文曰：職掌無此。推竟以副使登啟事。二魏志甚感氣。侍之。會景文病歸。却執永錮不出。而其父官南信部郎。強項不拜逆祠。禍且不測。未幾崇禎御極。起家太常。開府中州。以勤王功。陞兵部侍郎。鎮昌平。再晉南京右都御史。兵部尚書。獻賊蹂躪江北。類景文調護。陵京無恙。己卯。疏救御史成勇。生私黨。削職。壬午。召為刑部尚書。癸未。改工部。甲申。正月。進東閣辦事。聞賊逼京師。景文請駕南還。先奉太子撫。揮江南。廷議未果。都城陷。景文死之。

宰相列傳二

徐光啟
謝陞
李廷森

何吾驎
魏紹乘

劉宇亮
吳姓

方連年
魏藻德

徐光啟上海人甲戌進士生而穎秀有敏悟嘗精天文曆
數之學因星變陳言裨益政治上心識之官翰林壬申入
閣有崇禎曆書行世未久卒於位

何吾驎香山人已未進士由庠常官禮部侍郎癸酉陞尚
書入東閣與溫體仁不甚合乙亥致仕

劉宇亮綿竹人已未進士丁丑以吏部侍郎進東閣戊寅
請櫻改兵部尚書賜尚方劍督師時大帥左良玉敗河南

賦于內鄉上聞其步兵淫掠切責之宇亮不自安因告病
回籍

方遘年遂安人壬戌進士歷官少詹戌寅陞禮部尚書入
東閣嘗以編脩典試湖廣策問数千言皆切時政魏忠賢
深怒之遂削奪蓋嚴氣正性如此入閣後不合時宜數月
即罷相

謝陞德州人丁未進士由知縣行取吏部官郎中不附時
局累至尚書有清譽獨與何吾驥文震孟相忤時論為之
不平丙子冬上命指奏數年銓政大弊覆奏不稱旨因詰

責之曰。爾部職專用人。推舉不效。乃云。綱目太密。使中外束手。且平時陞轉。必優京卿甲科。反稱京卿未必勝外官。甲榜未必勝乙榜。如此游移。豈大臣寔心體國之道。於是陞罷職。已卯春。上以保舉考選奉行不寔。復召陞。一切條用新法。卓異則蘇州知府陳洪謐。以逋賦削籍。松江知府方岳貢。以逋賦奪官。考選則請命貢士。併歲貢二百六十二人。俱補部寺司屬。以及推知。上是之。遂進東閣辦事。壬午元旦。召入殿廷。親承降拜。四月。給事倪仁禎上言。臣初拜官。例謁閣臣。言及兵餉。陞曰。皇上自用聰明。察。為

務天下俱壞位極人臣敢歸罪天子如此上怒命削陞籍
魏炤乘滑縣人丙辰進士由知縣歷官兵部侍郎己卯入
東閣天啟中疏薦周士撲以糾織監宜用士撲一事楊健
所引為魏志賢罪者也璫意大拂以為市恩勒令回籍過
潘士良于德安士良感額曰予已為管察而來如婦失身
不可贖矣炤乘曰何不早退士良有慚色炤乘果矯以
潔白稱

吳姓興化人癸丑進士由知縣行取御史辛未奉命贖金
賑陝西饑荒招撫流盜七千餘人授官兵部侍郎壬午授

卜上震怒。處分李日宣等。乃以姓為禮部尚書。兼東閣大學士。既而閱賊猖獗。上命姓督師辦賊。久之以逗留遺戩。魏藻德通州人。庚辰狀元。召見于文華殿。問遺隅多警。何以報仇。雪恥對曰。使大小諸臣皆知所恥。則功業自建。先後媿。數百言。更自陳戍寅城守功。上心識之。工部主事李振贊請限品官占田。如一品田十頃。屋十間。其下遞減。下部議。藻德爭之。遂寢。辛巳十月。請設裕國足民奇謀異勇科。上然之。隨諭朝臣。咨訪微辟。以稱破格旁求之意。十一月。請禁朝臣私探內閣通內侍。於是待漏者俱露立。毋

敢入直舍。癸未五月，以侍讀學士入閣辦事。請命勳臣子弟親騎射。六月，召見諸生蔣匡于中左門。陳言鈔法曰：經費之條，銀錢鈔三分用之。納銀賣鈔者，以九錢七分為一金。民間不用，以違法論。不出五年，天下之金錢盡歸內帑矣。給事馬嘉植糾正之。藻德力寢其議。甲申二月，進禮部尚書。德督河道也。陳往濟寧，會有言各官不可令出，即潛逃。遂止不遣。京師陷後，賊迫脅獻金，自勒而死。藻德以書生新進，受知甚殷。國朝文臣早達，無出其右者。

李廷泰，曲沃人。乙丑進士。歷官少詹。癸未入東閣。甲申正

月。李自成僭號改元。授偽牒于兵部約戰。上憂之。臨朝而嘆曰。諸臣無能為朕分憂哉。建泰進曰。主憂如此。臣敢不竭力。願以家財佐軍。北召甘肅寧夏之兵。外連羌部。召募忠勇。勦寇立功名。否亦內守西河。扼控延安。使賊不得東渡。上悅曰。卿若行。朕當倣古推轡行之。閱數日。建泰出師。上以特牲告廟。廷授節劍法。駕御正陽門。設宴作樂。親賜卮酒曰。先生之去。如朕親行。建泰頓首啟行。上目送之。是日大風揚沙。占不利。行師。建泰有輿。不數武。扞折。識者老之。既出都道。聞山西烽火甚急。家已破。貨財無以佐軍。進

退失措。逗留畿內。二月。師過東光。不輯士民。閉城自守。建泰怒。攻三日。破之。三月。建泰上書請駕南還。願奉太子先行。上召廷臣議。撫軍江南。給事光時亨大赫止之。廷臣遂不敢復言。賊至保定。建泰已病卧中軍。郭中傑偪城而降。賊入城。守御史金毓峒全家死難。而建泰被執。方岳貢。谷城人。壬戌進士。由戶部主事為松江知府。有政績。在郡十五年。以逋賦奪官。壬午起陞漕運副使。癸未入覲。上諭各官薦將材稱旨。擢副都御史。因上言四事情。言路以收人心。定推選以養廉恥。責吏治于荒殘。儲將材於

部伍上納之。尋拜東閣大學士。甲申二月。進戶部尚書。兼
兵部總督。德運屯練濟寧。未果。京師陷。被刑不食死。

宰相列傳三

成基命
黃士俊

錢象坤
林象軒

鄭以傳
傅冠

孔貞運
程國祥

范復粹

姚明恭

張四知

已上十

蔣德璟

黃景昉

丘瑜

四人合

成基命大名人。丁未進士。錢象坤會稽山陰人。辛丑進

士。並已入閣。鄭以傳上饒人。辛丑進士。壬申入閣。以上

皆由庶吉士。孔貞運句容人。己未榜眼。黃士俊順德人。丁

未狀元。林軒同安籍。龍溪人。丙辰探花。並丙子入閣。傅冠

進賢人。壬戌榜眼。丁丑入閣。程國祥上元籍。歙縣人。甲辰

進士。由知縣。歷官戶部尚書。范復粹黃縣人。己未進士。由

推官。歷任大理寺少卿。並戊寅入閣。姚明恭新州人。己未

進士張四知。費縣人。壬戌進士。並己卯入閣。蔣德璟。壬戌
進士。黃景昉。乙丑進士。並晉江人。壬午入閣。丘瑜。宜城人。
乙丑進士。甲申入閣。已上皆由康吉士。其生平仕宦。烜赫
一時。無闕大節者。不悉書。

宰相列傳四

黃立極
李國楮

施鳳來
朱宗道

張瑞國
楊景辰

黃立極元城人甲辰進士天啟中以禮部侍郎入東閣與
施鳳來張瑞國等同附魏忠賢尸位養奸為正人君子所
恥丁卯錦州奏捷三殿告成各叙功立極實首倡之致忠
賢子弟倖安平東平之爵而封王及兩功並封之議獨未
已也朝臣增級賜金監觴無紀官保尚書都憲常僕幾於
半載斗量而錦衣無坐處矣且二功謝恩之日即鼎湖攀
謁之日也崇禎登極後立極知罪無所容因乞骸骨朝廷
以元輔隆重之予告加太保廕子一人尚寶司丞又明

年京察被處

施鳳來。平湖人。丁未榜眼。張瑞國。晉江人。丁未探花。李國
播。高陽人。癸丑進士。同歷官禮部尚書。東閣大學士。大工
成。並加少保。兼太子太師。瑞國敗後。鳳來瑞國俱被察典。刊
名逆案。而國播倖免。

朱宗道。蕭山人。甲辰進士。楊景辰。晉江人。癸未進士。同官
翰林院學士。錦州捷報。疏稱魏忠賢功德。揄揚鋪張。懽呼
舞蹈。以為朝臣倡。崇禎初。循資入閣。旋以公論漸彰。各得
閒位。

宰相列傳五周延儒溫體仁

楊嗣昌

周延儒。宜興人。癸丑狀元。歷任禮部侍郎。崇禎初召對廷。上目視之曰。常時召對。卿等當面別無一言。只有這官。奈了幾句。令自奏職名。己巳冬入閣辦事。癸酉正月。宣府大視太監王坤奏劾延儒乞罷不允。左副都御史王志道。上言王坤內監不宜侵輔臣。上召羣臣於平臺。謂志道曰。選用內臣原非得已。何議論之多也。志道奏曰。坤劾輔臣。本朝皇。為紀綱法度之憂。臣為紀綱惜。非為諸臣惜也。一曰。廷臣於國家大計不言。惟因內臣在鎮。不利奸弊。乃

借坤疏要挾誠巧倖也。復詰至再。延儒曰：志道非專論內
臣實責臣等弱職。上色稍霽。曰：職掌不脩。沽名立論。何堪
憲紀。立退。志道延儒遂放歸。辛巳四月。復召延儒入朝。初
丹陽監生盛順及虞城侯氏共獻金。屬太監葉秉間。因延
儒再起。禮部主事吳昌時力謀之。果得再相。壬午元旦。召
延儒及賀進。聖謝。陞入殿。曰：古帝王皆崇師道。卿等朕之
師也。宗社莫安。惟諸先生是賴。命秉向立。上降座。西向揖
之。延儒愧謝。四月。命延儒督師。會天氣漸炎。兵不戰而退。
延儒乃奏捷。班師。加大師。時人譏之。曰：出關一月無消息。

昨日元戎報捷來。既而臺省交章論延儒受賄縱敵。上領之。九月誅兵部尚書陳新甲。延儒為營解曰。國法大司馬兵不臨城不斬。上变色曰。他邊疆即勿論。儻辱我親藩也。不甚於薄城乎。延儒為之汗下。癸未五月。科道劾何蔣拱宸何倫。劾論吏部郎中吳昌時。禮部郎中周仲連。竊附延儒行私納賄。延儒天下之罪人。昌時仲連又延儒之罪人也。延儒罷。七月召山東兵備雷演祚。面頰總督范志完。縱兵行賄。演祚因奏延儒招權納賄諸狀。上怒。即遣其幕客重廷獻尋誅志完。徵延儒聽勘。延儒當中外交誑之日。不

能為上畫一策。然受眷特深。故其罷內監撤廠衛甚易。諸
璫日夜伺隙媒孽。上俱不信。延儒益忿之。迨行邊之後。上
意稍移。諸璫乃盡發其叢蔽。至是聖怒不可回。延儒遂賜
死。方延儒之升台也。門生張溥馬世奇。以公論感動之。盡
反前轍。向之所排。更授而進之。上亦虛已以聽。溥既後。世
奇遠權勢。而延儒左右皆昌時仲璉輩。以至於敗。
溫體仁烏程人。戊戌進士。累官禮部尚書。與侍郎錢謙益
門戶不同。會戊辰。拔下謙益名列第二。而體仁不與。因疏
前御史陳以瑞嘗忝謙益。與汪文言。繆昌期相表裏。其典

試浙江省錢千秋以一朝平步上青天關節得雋。今故卜
大典。豈容濫竿。上乃召對文華殿。廷臣皆不直體仁。體仁
指廷臣為黨。以激上怒。於是攻者四起。上俱不問。庚午入
東閣。斥、自守不殖貨賄。時上英明。恨廷臣苞苴。止狀。獨
信任體仁。久之希寵用事。厚私黨。排異己。日與士大夫為
難。攻者竟無虛日。至滋陽知縣成德。盡發其奸。逮錦衣衛
獄。其母張氏伺體仁與出。撒道詬之。至不堪。前工部侍郎
劉宗周。上言小人之禍人國。無已時也。皇上惡私交。而臣
下多以告訐進。皇上錄情節。而臣下多以曲謹容。皇上崇

勵精而臣下奔走承順以為恭。皇上尚綜覈而臣下瑣屑苛求以為察。窺其用心無往不出於身家利祿。皇上不察而用之。則聚天下之小人立於朝。而有所不覺矣。嗚呼！八年之間。誰秉國成。臣不能為首揆。溫體仁解矣。千戶楊光先亦再疏忝論。昇棺自隨。既而撫寧侯朱國弼劾體仁私唐世濟受霍維華金。上奪國弼爵。而世濟戍邊。體仁不安其位。未幾引疾免。上賜金幣遣行人護歸。

薛國觀。韓城人。己未進士。由推官行取給事。側身門戶。嘗忝喬允升。時士任能明遇。正人多側目之。歷官金都御史。

丁丑以溫體仁授入東閣。上頗向用之。己卯考選科道。吳昌時首擬吏科疏。上自手定先後。示不測。昌時得禮部主事。謂國觀所為恨之。庚辰六月。擬諭失旨。勒令閑住。上嘗語國觀朝士婪賄。對曰。使廠衛得人。朝士何敢蹟貨。時東廠太監王化民在側。汗出浹背。於是日偵其陰事。既而被叅劄籍。給事袁愷再疏劾之。併尚書傅永淳。侍郎蔡奕琛。俱下鎖。撫司訊之下都御史葉有聲於獄。皆以通賄。國觀也。株連甚衆。國觀疏辨。袁愷誣劾。出吳昌賢之意。上不聽。辛巳八月。國觀賜死。籍其家。國觀性褊刻。急於功名。自

金憲。驟登政府。欲自結於上。會上憂國。因導以借餉。曰：外則借紳。臣等任之。內則戚畹。非出自獨斷。不可徵。以李武清為言。送密旨。借四十萬金。李氏盡幣其所有。追比未已。戚畹人。自危。適皇子病。衆倡為九蓮菩薩之言云。上薄待外戚。行天折。且盡大悔懼。國觀又忤化民。遂敗國觀。事發於東廠。而昌時實啟其機。昌時甥王陞彥。以通賄籍沒。臨刑呼此舅氏所致。我若有言。恐累名教。其後昌時生。敗。伏於此。

楊嗣昌。武陵人。庚戌進士。由教授歷官。宣大總督。丙子。奪。

情起復為兵部尚書。丁丑十一月。疏請限勦賊之期。令各撫鎮分任。斬截要害地方。提兵合勦。俞當上。音戊寅四月。熒惑星見。嗣昌上言。月食火星。猶幸在尾。內則陰宮。外則陰國。皇上修德。召和。必有災而不害者。戶部主事李鳳鳴。和其說。給事何楷解學。尹。互糾其謬。上不問。六月。召嗣昌入閣辦事。仍署兵部。上命大禮大慶。暨傳制頒詔諸大典。不與其朝。講召見如常。何楷劾嗣昌忘親。上切責之。先是吏部會推閣員。止及詞臣資叙。上命併及在籍守制者。蓋嗣昌為陳新甲地也。已而特召新甲以兵部侍郎。總督宣大。

學士黃道周上言。朝廷即乏人。豈無一定策效謀者。而必非常破格。以奉不祥之人。上不擇。召見群臣於平臺。道周極詆嗣昌。嗣昌謂臣不生於空桑。豈遂不知父母。但明旨迫切。不敢有違。乃道周自言不如鄭鄞。以杖。母。行同。鳥。獲。道周又不如之。何言綱常也。道周曰。臣言文章不如鄭鄞。上呪其朋比。儕。撰。剽。同。升。編。修。趙。士。春。御。史。林。蘭。友。各。疏。救。道周而劾嗣昌。俱謫。調有差。己卯六月。張獻忠降。而復款。羅汝才九營。俱起應之。左良玉追及。大敗而還。失其行節事。聞良玉戴罪。殺賊。草督帥熊文燦職。初文燦與。

嗣昌深相結納。嗣昌與文燦成功。以結上知。文燦既債。嗣昌內不自安。因請督師南征。是時方借鄭鄴以傾道周。讞駁愈重。遂磔鄴於市。而賜嗣昌尚方劍。併銀印金牌。蟒紵。緋絹無算。九月。嗣昌陛辭。上賜宴後殿。手觴三爵。賦詩崇行。出師之際。莫過於此。十月。嗣昌至襄陽。入文燦軍中。遣文燦入京師。論死。棄四市。以塞人口。謂良玉可倚。以滅賊。請拜為平賊將軍。復奏辟永州推官萬元吉為監紀。庚辰二月。給嗣昌萬金。賜斗牛服。又海驢。棗。騾。馬各一。金鞍二。嗣昌調兵會勦。以陝西興安一路失期。斬其監軍殷太白。

三月。嗣昌軍次荆門。立大勦營。五月。羅汝才七股盡入蜀。嗣昌撤元吉扼夔門。與石砮女帥秦良玉兵合。嗣昌又以左兵進止。多不從節制。乃密疏於朝。請以副將軍賀人龍易之。人龍所挾陝兵。驍勇善戰。以多擁降兵。思得總兵名號。以統轄之。川撫邵捷春為懇嗣昌。嗣昌已諾。後因中制不果。人龍怨而良玉疑。自是兵勢日離。嗣昌憤事不可為。旋有病。明年襄城破。守將李萬慶死之。嗣昌亦以病卒。聞。

宰相列傳六

吳宗達蔡因用

王應熊陳演

吳宗達武進籍。宜興人。甲辰探花。庚午入閣。與溫體仁同相。六年多所依順。庶吉士鄭鄞繼母為宗達女弟。鄞負才名氣。即溥於事。勇宗達恨之。因揭其杖母蒸妾。僇體仁。入達達鄞下獄。仕路皆為不平。故宗達畏人言以告。

王應熊。巴縣人。癸丑進士。由庶常官少宗伯。癸酉為周延儒溫體仁引薦入閣。人望未孚。明年御史吳履中劾監視內臣。併劾應熊。因求去。不允。又明年言路相狎。以為摸稜。後身應熊。遂免。壬午周延儒與廷臣異議。復薦以自代。資為

援也。已而陛見。上覺之。應熊請老。賜金幣還。癸未。召至上。不見。因辭還。

蔡國用。金谿人。庚戌進士。以中書舍人。考選御史。天啟中。嘗以條議。詆葉向。高孫承宗。趙南星等。又薦趙興邦。興邦亦疏稱之曰名臣。頗為仕途所非笑。後官工部侍郎。上方欲故卜大典。僅屬詞林。因及國用等。以示破格。既入閣。漫無表見。惟庸。養福而已。未幾卒於位。

陳演。井研人。壬戌進士。累官詹事。庚辰進東閣。壬午六月。召羣臣於中左門。詰問吏部尚書李日宣曰。會推大典。自

當矢公矢慎。昨故卜監舉徇情。如房可仕。張三謨。宋玫等。並與推舉。豈大臣之道。又責吏部章正宸。河南道張煊。閣臣力為救解。不聽。明日下日宣等六人於獄。尋戍邊。刑籍有差。初演為所親廖惟一。試御史。考核託可仕為之地。不納。煊又加厲焉。遂外調。演憾之。適上遊西苑。演從密奏之。故有是譴。演庸碌無能。見上憂秦寇。謂不足慮。甲申二月。賊勢漸逼京師。演不自安。乃求去。三月京師陷。李自成榜朝臣獻金。演獻至銀三萬兩。金三千兩。珠三斗。仍受刑。不可忍。以斃。

論曰。黨人之禍。自古已然。漢固已。唐次之。而宋為甚。然其所為。雖諸臣賢奸較異。要亦人主之明暗有不同也。至明末則不然。臣非甚惡。君又至賢。無亡國之理。而失天下。乃更速。則黨禍之中於人心。其酷烈。即不如前代。而久之成痼。一旦殞絕。不可復甦。其積漸使然也。蓋自四明當國。其時東林諸君子。以道學名於世。浙人起而爭之。而黨以立。齊楚四方之士。趨風捕影。轉相舍射。而黨以盛。其根原則國本也。其發端則挺擊也。紅丸也。移宮也。是為三大案。借三案者。為察典。為年例。為封疆。而總之以東林。浙黨。為分。

分之而不欲其合者。德清也。合之而不能不分者。福清也。皆政地也。政地不足恃。乃求與援。與援成。而政地若授之。柄焉。然則煽禍者。璫也。而使之煽禍者。則政地也。丁卯以前。流毒已甚。戊辰以後。公道大明。然而門戶相承。衣鉢相禪。邪正雖殊。其為植黨則一。是故蒲州韓爌。高陽孫承宗。德福清葉向高。去而崑山顧秉謙。南樂魏廣微。進矣。元城黃立極。平湖施鳳來。晉江張瑞圖。高陽李國楮。附顧魏者也。反正之初。未及去。援及蕭山朱宗道。晉江楊景辰矣。高邑李標。吳江周道登。莘亭錢龍錫。長山劉鴻訓。起白田間。

讓蒲州當國以光贊中興逆案定而黨人側目借表崇煥以饒舌而華亭得嚴譴蒲州不安其位矣高陽出鎮得匪虛拘乎文華召對宜興周延儒實左袒烏程溫體仁其流派不正廷臣不免周章未幾而相繼進用人皆疑之疑則猜忌生而嫌隙見然宜興得桐城何如胤調劑人樂其易烏程以武進吳宗達依傍人畏其光樂其易者姑且安之不過欲其去畏其光者羣起而攻之惟恐其不去而竟不去彼大名成基命山陰錢象坤上饒鄭以偉上海徐光啟不徒伴食反為得利之漁人桐城之再召也宜興所以善

後而引高不出。固知黨惡之必復也。嘉善錢士升以破格
召於南。與巴縣王應熊香山何吾驥異地而同拜。冷眼者
從壁上觀。以為上意誠不測。抑由東國者立中道焉。迨長
洲文震孟以經筵受知。正人君子彈冠相慶。稱主上聖明。
而一言不合于烏程。不難併香山並驅而駕。人言可畏。何
王且危之。况嘉善乎。獨是同一去也。長洲為可惜。嘉善則
有名矣。淄川張至發以誠獄稱旨。句容孔貞運順德黃士
俊江夏賀連聖龍溪林銜以科名樹望。先後同升。而烏程
旋罷。或謂上意漸移。已非一日。黨之不終禍也。天實為之。

何意韓城薛國觀借援。願結主知。當南北倥傯之際。鞅開
罪織之機。奔走士大夫。使之救過。不給。即同時輔弼。如進
賢傳。冠上元。程國祥。遂安。方逢年。金谿。蔡國用。黃縣。范文
粹。無從見一長。叅一議。而天下大勢。壞如土崩。綿竹。劉宇
亮。以不得已。請纓。我則不武。何濟于事。武陵。揚嗣昌。之奪
情。有自來也。白馬。清流。幾乎再見。上即不推轂。亦安能晏
然處之。以謝當世哉。蘄州。姚明。叅。費縣。張四知。井。硯。陳。演。
以資叙。滑縣。魏。炤。乘。以知兵。進。德州。謝。陞。以舊銓。再起。上
頗自謂得人。又稍。失意于韓城。若將置焉。而黨人以續。

貨中之上方切齒通賄遂不顧一韓城示警而武陵以任
事不終告是內外無人也思惟舊人可以明無罪於朝廷
惟張至發與賀逢聖而最受主知則莫如周召或弗至
或弗久肯為朕竭股肱力者不惜腹心寄之天子無常師
師保傳何庸不拜赫々明々維大師之功厥惟欽哉汝毋
負予一人也而不然也下之結黨者日以多而上之伺黨
者日以密黨不足以自固也昔之黨異者攻異已今之黨
同者攻同類黨適足以殺身耳晉江蔣德璟黃景昉可以
並登通州魏藻德可以驟進興化吳姓可以分拮据之任

巴縣王應熊。可以資胼胝之勤。而不能禁中人之媒孽。塞
言路之曉張。蓋至是而法。綢愈密。人心愈險。天下之事勢
已。不可為主上之英明。亦無所用。辟如病入膏肓。形體雖
具。藥餌有餘。而元氣索然。僅延時刻。縱有盧扁。何以云救
哉。其後曲沃李建泰。谷城方岳真。宜城丘瑜之。拜黨人已
不及。衡若吳橋。范景文者。固黨人所願得。而甘心焉。而獨
以一死狗社。授其得力於東林道學之旨。豈其微哉。而謂
黨云乎哉。